



Trg mladih 8, Zona 1A, drugi sprat-kat / 76100 Brčko distrikt BiH, tel: 049/490-135, web: www.sukobinteresabd.ba, e-mail: info@sukobinteresabd.ba  
Трг младих 8, Зона 1А, други спрат / 76100 Брчко дистрикт БиХ, тел: 049/490-135, веб: www.sukobinteresabd.ba, е-пошта: info@sukobinteresabd.ba

Broj: KSI-09-196/25

Datum: 01.10.2025. godine

Na osnovu člana 25. tačka g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa, postupajući po službenoj dužnosti od 19.09.2025. godine, protiv [REDACTED] nosioca javne funkcije, [REDACTED], radi utvrđivanja sukoba interesa, Komisija za odlučivanje o sukobu interesa, na 131. sjednici održanoj dana 01.10.2025. godine, donosi

#### ODLUKU

Postupak za odlučivanje o sukobu interesa protiv [REDACTED], nosioca javne funkcije, [REDACTED], neće se pokrenuti, obzirom da iz dokumentacije i radnji ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa.

#### Obrazloženje

Dana 15.09.2025. godine po službenoj dužnosti: KSI-09-196/25, Komisija za odlučivanje o sukobu interesa pokrenula je postupak, radi sumnje na povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa protiv [REDACTED], nosioca javne funkcije, [REDACTED]

Putem sredstava javnog informisanja, nakon 16. redovne sjednice Skupštine Brčko distrikta Bosne i Hercegovine održane dana 10.09.2025. godine Komisija je pokrenula postupak zbog sumnje da je nosilac javne funkcije, [REDACTED] povrijedio odredbe člana 11. stav (1), a u vezi sa stavom (3) Zakona o sprečavanju sukoba interesa u institucijama Brčko distrikta Bosne i Hercegovine, koji propisuje da nosilac javne funkcije ne može učestvovati u procesu odlučivanja niti glasati po bilo kojem pitanju koje nosioca javne funkcije stavlja u sukob interesa što uključuje pitanja koja se direktno i indirektno tiču preduzeća u kojem taj nosilac javne funkcije ili s njim povezano lice ima finansijski i drugi interes, te bilo kojem drugom pitanju koje se direktno ili indirektno tiče povezanog lica (stav (1) te da je u slučaju iz stava (1) Zakona nosilac javne funkcije dužan izuzeti se od svih službenih radnji, učešća u raspravi, glasanja i odlučivanja i obrazložiti razloge izuzeća stav 3) Zakona.

Uvidom u registar javnih funkcija i nosilaca javnih funkcija, kao i dokumentaciju koju posjeduje Komisija utvrđeno je da [REDACTED] obavlja funkciju [REDACTED] na osnovu Uvjerenja Centralne izborne komisije, broj: 06-1-07-1-3513-1- 3069/24 od 05.11.2024. godine, te je samim tim shodno članu 2. stav (1) tačka b) i tačka c) Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Uvidom u Aneks II Izvještaja o imovinskom stanju nosioca javne funkcije i dokumentacije koju posjeduje Komisija evidentno je da je [REDACTED] bračni drug nosioca javne funkcije.

Članom 2. tačkom b) propisano je da „javna funkcija“ funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština Brčko distrikta Bosne i Hercegovine (u daljnjem tekstu: Skupština), odnosno Vlada Brčko distrikta Bosne i Hercegovine (u daljnjem tekstu: Vlada), ukoliko drugim zakonom nije drugačije propisano. Tačkom c) navedenog člana Zakona propisano je da je „nosilac javne funkcije“ izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lica koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Članom 2. tačka e) propisano je da „povezano lice“ je član uže porodice, srodnik u pravoj liniji, srodnik u pobočnoj liniji do trećeg stepena, srodnik po tazbini do drugog stepena, dijete bračnog druga ili bilo koje pravno ili fizičko lice koje je s nosiocem javne funkcije u ličnoj, političkoj, ekonomskoj ili drugoj vezi koja utiče ili bi mogla uticati na objektivnost i nepristrasnost u radu nosioca javne funkcije, dok je istim članom tačka f) propisano da je „član uže porodice“ bračni i vanbračni drug, usvojitelj, usvojenik, dijete, majka i otac nosioca javne funkcije, odnosno lice prema kome nosilac javne funkcije ima zakonsku obavezu izdržavanja.

U cilju provjere objava u sredstvima javnog informisanja da postoji sukob interesa, Komisija je po službenoj dužnosti pokrenula postupak provjere informacija i datum uputila dopis Odjeljenju za zdravstvo i ostale usluge, Pododjeljenje za socijalnu zaštitu, Centar za socijalni rad za dostavu pravnih akata: Odluku o imenovanju radne grupe za izradu nacarta Zakona o roditeljima njegovateljima u Brčko distriktu Bosne i Hercegovine, smjernice Vlade Brčko distrikta Bosne i Hercegovine, mišljenje Odsjeka za zakonodavnu aktivnost Vlade Brčko distrikta Bosne i Hercegovine, mišljenje Pravobranilaštva Brčko distrikta Bosne i Hercegovine i Mišljenje Direkcije za finansije Brčko distrikta Bosne i Hercegovine.

Dopisom Odjeljenja za zdravstvo i ostale usluge, Pododjeljenje za socijalnu zaštitu, Centar za socijalni rad aktom broj: 02-000111/22 (05-1246ZB-0046/25) od 22.09.2025. godine dostavilo je traženu dokumentaciju i to:

1. Odluka o imenovanju radne grupe za izradu nacarta Zakona o roditeljima njegovateljima u Brčko distriktu Bosne i Hercegovine broj predmeta: 02-000/111/22 (05-127SŠ-0001/22) od 24.05.2022. godine, četvoročlana radna grupa u čijem sastavu je pored stručnjaka iz oblasti socijalne zaštite između ostalog i [REDACTED] kao predsjednik i nosilac normativnih poslova. Navedenom Odlukom zadatak radne grupe je da, kao nosilac izrade propisa, na osnovu instrukcije rukovodioca organa izvrši analizu stanja i problema u oblasti koju propisom treba urediti i na osnovu toga utvrdi koncepciju propisa, provede postupak procijene uticaja propisa, te da sačini smjernice koje dostavlja šefu Odjeljenja za zdravstvo i ostale usluge radi daljeg odobrenja istih od strane Vlade. Radna grupa priprema teze koje predstavljaju osnovna opredjeljenja u vezi sa pripremom zakona, teze dostavlja rukovodiocu na odobrenje, vrši identifikaciju prava EU, priprema prednacrt zakona, obavlja konsultacije sa Zakonodavnom kancelarijom, Direkcijom za finansije Brčko distrikta BiH, svim Odjeljenjima Vlade Brčko distrikta BiH i drugim učesnicima nadležnim za oblast koja se reguliše, usaglašava prednacrt zakona sa rukovodiocem koji odobrava prijedlog nacarta zakona, prosljeđuje isti Direkciji za finansije Brčko distrikta BiH radi izrade budžetske analize i Zakonodavnom kancelarijom na obradu sa dostavljenim obrazloženjem, informacijom za Vladu, budžetskim analizama i pribavljenim mišljenjima nadležnih tijela i institucija, te prijedlog nacarta zakona dostavlja šefu Odjeljenja za zdravstvo i ostale usluge, a potom Vladi Brčko distrikta BiH na razmatranje i odobravanje, sve u skladu sa članom 6. Odluke o proceduri i izradi zakona i drugih propisa („Službeni glasnik Brčko distrikta BiH“, broj:33/20)
2. Odluku o odobravanju smjernica za izradu nacarta Zakona o roditeljima njegovateljima u Brčko distriktu Bosne i Hercegovine broj predmeta: 02-000111/22 (01.11-0323SR-015/25) od 22.02.2024. godine, donesena od strane Vlade Brčko distrikta BiH kojom je odobrila smjernice za izradu nacarta zakona o roditeljima njegovateljima u Brčko distriktu Bosne i Hercegovine.

3. Mišljenje Zakonodavne kancelarije, Odsjeka za zakonodavnu aktivnost Vlade Brčko distrikta Bosne i Hercegovine broj predmeta: 02-000111/22 (01.5-1166AP-039/25) od 31.07.2025. godine, kojim daje pozitivno mišljenje i nastavak postupka izrade Zakona.
4. Mišljenje Pravobranilaštva Brčko distrikta Bosne i Hercegovine broj predmeta: M-849/25 od 27.06.2025. godine, kojim dozvoljavaju daljnju normativnu proceduru.
5. Budžetska analiza Direkcije za finansije Brčko distrikta Bosne i Hercegovine broj predmeta: 02-04.1-611/25 od 13.05.2025. godine kojom dozvoljavaju dalju propisanu proceduru.

Uvidom u dostavljenu dokumentaciju evidentno je da je [REDACTED], imenovana u radnu grupu kao predsjednik i nosilac normativnih poslova isključivo kako bi uradila nacrt Zakona sa ostalim članovima radne grupe, striktno se pridržavajući svih propisa, procedura i utvrđenih smjernica.

Nosilac javne funkcije [REDACTED] je glasao o nacrtu navedenog Zakona kao opštem pravnom aktu, a ne o pojedinačnom aktu kojim bi svojoj supruzi omogućio ostvarenje bilo kakvog interesa.

Imajući u vidu sve navedeno, utvrđeno je da [REDACTED], kao nosilac javne funkcije, nije povrijedio odredbe Zakona o sprečavanju sukoba interesa u institucijama Brčko distrikta Bosne i Hercegovine, odnosno da ne postoji sukob interesa, jer nisu utvrđene okolnosti koje bi ukazivale na moguću povredu odredaba Zakona od strane nosioca javne funkcije.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 dana od dana prijema ove Odluke.

Predsjednik  
Komisije za odlučivanje o sukobu interesa

\_\_\_\_\_  
Admira Mujić, dipl. pravnik

Dostaviti:

- **Putem oglasne table,**
- Internet stranici Komisije,
- Evidenciji i
- Arhivi.